

九公山房易問

易問序

嗟乎易至今日亦大厄哉蓋  
其爲易有二在術數家曰吾  
用以卜蓍也各以其例配定  
吉凶禍福而已其於天道人

事進退之道蔑如也在學士  
家曰吾用以制舉也制舉制  
帖括捆幅耳夫以一人一書  
之見而欲窺經三聖歷三古  
之義以風雲月露之裁而欲

形協萬類通三才之奧其實  
難矣不得已又另闢一膚雜  
畸固之說以便塾師之傳習  
文字之格套于是象與爻與  
詞爻與爻異詞六十四卦異

詞三百八十四爻異詞矣孔  
子曰八卦而象出其中極  
數遂定天下之象夫使易  
象則捫盤揣孟之智而鑊  
剪綵之務也若象外設象則

又畫蛇之足而寫馬之角矣  
夫今之所制舉皆象外之象  
也膚雜而不精潔畸固而不  
錯綜求其因爻定象從象證  
理合於易簡應乎陰陽豈不

鮮哉吾友郝于菴起家尚書  
尤好讀易蓋自髫年受易  
公若虛先生遂殫精積慮  
索之卽不至鐵鏞三折華編  
三絕然亦與年終始矣而其

子若侄輩又能世其家學每  
以所見異同踈密于象數之  
間積久成冊曰易問問也  
有問而后有答也卦不必繫  
爻不必備隨其所問之易而



答之故曰易問也今讀其書  
異者同之同者異之踈者密  
之密者踈之其精潔若金堅  
玉潤其錯綜若物遷序代要  
期因爻定象從象詮理而不

爲膚見雜論畸情固辭卽端  
門與否而逃者以豁執者以  
通其正大可以質信往聖  
創闢亦可折衷來茲答商  
受易孔子而其屬若橋若周

若孫若何遞相傳受王弼鄭  
玄爲尤著乃若家學淵源則  
梁丘賀受京氏易以授其子  
臨高相治易以授其子康而  
二家之易遂炳若日星矣于

菴之爲是書也不敢泯若虛  
先生之教而傳其子若侄輩  
殆猶賀之授臨相之授應縣  
其子若侄輩亦不敢泯于菴  
之教則又不啻無恤懷簡子

之詞清臣尊黃門之訓矣他  
日寓內將豔稱郝氏易則茲  
編不朽也夫


龍眠任天成玉仲氏拜題

錦于菴父授

侄凝然公求父同迹

上經

乾爲天



乾下  
乾上

問乾元亨利貞曰。纔說乾。便大。便通。便和。便正。固總只一個乾。是合下俱有底。無先後對待。剛健底事。從頭做去。便如此。非元亨了。又利在貞也。聖人

見這般陽健的物事。體天與聖人足當之。其實衆  
十四卦。總只一個乾。非專屬天與聖人也。

問初九潛龍勿用。曰有二意。陽是上進的。卻居下時  
不可爲矣。正宜潛藏以待。乃欲爲上。所謂反時爲  
禍也。又一陽在下。且如子月。陽氣初生。其息尙微。  
正好護惜他。使他漸去盈滿。充足。若便發泄出來。  
必至摧折而不可爲矣。勿也者。戒之也。

問君子終日乾乾。夕惕若。厲无咎。曰。君子終一日之  
間。乾而又乾。謂健而又健也。直至於夕。兢兢惕若。

若者。形容不盡之意。則雖處危地而終得无咎也。  
下乾終上乾。繼之。故曰乾乾。以陽居陽。過剛。故危。  
舉夕。以終一日之義。

問九四或躍在淵。進退兩義。孰多。曰陽道樂進。但須  
觀變而動耳。雖在淵裏。一躍便向天去了。如何輕  
躍得。通權達變。聖人不得已而爲之。故或之也。

問九二已見在田。如何九四反躍在淵。曰。纔離了初  
其時其力只合在田。若九四已離了。下卦進到上  
卦。了一躍便無底止。淵。又是個虛空不着的物事。



限。量。他。不。得。故。還。須。還。問。審。顧。耳。

問大明終始六位時成時乘六龍以御天曰終始。是個循環的道理。无始不終无終不始又下三爻爲元亨。而九三爲下乾之終上三爻爲利貞而亢顯爲上乾之始。六位六爻也是一定不移的。卻以時成潛見惕躍飛亢。一毫不當其節。便敗壞了。聖人大明終始。見得六位中有一個時在。這便是天道。變化無窮處。卽以這個時乘六龍以御天。聖人不能違天。定時。天亦不能違聖人之時。是以潛見惕

躍飛亢。惟我御之爾。

問乾道變化如何。曰。變化卽利貞也。變是利的意思。化是貞的意思。不化不變。不變不化。此資始道理。變變化化。萬物通復一大關鍵也。物物予以各足。无有偏全。各正者。是將這道理盡性以致命也。太陰陽之氣。何等冲和。只因人做的鹵莽滅裂。如驚見惕躍飛亢。不循乎時。又何等不冲和。葆合者。保之而不漏。合之而不離。卽是將天命我的性正之。而不搖也。正之于始。保合于後。保合卽是正太和。

是性命之細縕處。乃能利貞于萬物。言萬物得利而貞正。此乾道之所以變化也。

問。反復道也。如何。曰。君子日夕乾惕。行過去的。此兢業道理。反復來的。還是此兢業道理。是循環不已之意。

問。三四皆以進德修業立言。云何。曰。此是上下兩體過接處。重剛不中。危疑之際。極要縝密。故九三則惕。九四則或。特指出進修爲下手處。若三不進修。則未免驕且憂了。四不進修。則未免爲邪離群了。

又揔是一個時。故三乘時而四及時也。三四皆幾幾乎咎矣。无也者。補過之辭也。

問利貞者性情也。如何曰。乾只一個健的道理。四德皆有乾的性情。一向只見乾元雲行雨施。无不亨通。精華俱發洩盡了。不知生生不已之意。還收藏畜聚在這裏。直至利貞。更見得乾之性情也。

問剛健中正兼體用否。曰。俱是體而用在其中。如要做出甚事。便做出來。阻撓他不得。元亨利貞。當下即是。曰。剛做了甚事。一直做到底。絕無歇手處。元亨

利貞終而又始曰健。所做之事輕重適均。此無有餘。彼無不足。元亨利貞。稱量而出。日中所做之事。非爲利重。非爲名高。合乎天理。當乎人心。曰正剛健中正。何等純。何等粹。何等精也。總是贊剛健中正。不是又以精贊純粹也。

坤爲地



問坤卦爻詞義云。何曰卦爻彖象諸詞。輕重顯晦不同。皆有收歛持守底意。直到用六曰利永貞。則變而爲陽了。蓋乾主元。坤主貞。安貞變爲永貞。安者

順而不移。永者。健而不息。故曰大終也。陽大而陰小。坤至此。居然一乾矣。文言則發未盡之意。于順字內。闡出健意。若曰。坤體本至柔。及其動。又未嘗不剛也。本至靜。而生物之德。截然一定。又極其方也。後得主利。順也有常。則健之爲矣。含萬物貞也。化光。則元之爲矣。此二句。申言靜柔剛方之義。隱此觀之。坤道其順矣乎。乃承天而時行。天是個極變動的。氣化周流。無一刻之或息。若天動而地不動。則是天發生而地不發生。天收藏而地不收藏。

固不是承天時行。若天動而地與俱動。正好發生。忽然消歇了。正好收藏。到又洩漏了。亦不是承天時行。總見得又行健。固甚有力。坤柔順。亦甚有本。所以說坤至柔而動也剛。至靜而德方也。

問君子有攸往。先迷後得主。利云何。曰。如云君子存。所往也。若倡先首事。則迷惑失措矣。若居後從。則幾不有濟矣。大要君子在主順而已。順所以利。卽爲後不爲先之意也。攸往句。虛先迷后得。是兩示其例。

問先迷后得得朋喪朋云何曰。先者先之而不肯後。後者後之而不敢先。牝馬之貞。只是一個順。先則不順。故迷。後則守順。故得。凡物以同類爲朋。西南陰也。坤之類也。故往西南爲得朋。東北陽也。非坤之類也。故往東北爲喪朋。朋俱指陰說。往西南爲順。往東北爲不順。安者安其順而無一毫競躁之心。貞者貞其順而無一毫動越之意。乃吉。不如此。便凶矣。健在順中。不必添出。

問地勢與天行如何曰。乾陽主氣。言變化之周流不



息處是行坤陰主形言高下之相因處是勢。勢是順的。厚在順內。不厚未有能順者也。

問直方大不習无不利云何曰。乾坤是一個道理。乾是個健行的。乾乾夕惕。而一本于忠信。修辭立誠。故不至高亢有悔。坤是個順承的。健在順中。循天而從事焉。如敬以直內。義以方外。這便是坤之兢惕處。所云德合無疆也。但乾說誠。坤說敬。有自然勉強之分。乾說仁。坤說義。有陰陽之別耳。象曰。馴致其道。至堅冰也。傳云。馴謂習。習而至于盛。習因。

循也。又云有狎順意。古今惟一馴字。壞了許多字。宙皆是不提撕警省之過。若敬直義方而德不孤。豈至馴致其道。至堅冰之事乎。故曰不習无不利也。對馴致說。非不待學習之謂。乾是聖人之事。坤是賢人之事。聖賢一個工夫。乾坤一個道理。

問六三含章。六四括囊。如何。曰。六三陰居陽位。雖是渾然不露的。然帶些陽。則居動靜之際。卽章不終。譽或可出而從王事。若六四則重陰不中。已結塞不開了。惟括囊不出而已。

問陰與陽戰如何云龍曰陰盛於陽也故俱稱龍陰不可亢亢則陽必伐之陰雖盛豈能獨傷陽哉故曰其血玄黃陰衰于陽也

問用六與用九如何曰用九是用六爻之陽不可爲首將變而陰了用六是用六爻之陰利永貞將變而陽了此卽乾之貞正而固也不比彖中以順爲貞

問順還解作慎字否曰履霜堅冰至是理事之必到的蓋言順也惟必至故宜辨之早辨早就是初六


的慎了。

問直其正也。如何又添敬字曰。正卽敬也。人心放僻邪侈。只是不敬。敬則豎起精神。不令傾倚。卽是敬以直內。

問君子黃中通理云何曰。五居中。中爲土。其色黃。東邊之中。非中外之中也。裳居下體。坤象。謂六也。冠于正五之尊位。而能體裳之義。居下不僭。則美在中央。而其暢于四肢。發于事業者。通而貫徹。謂統論萬理皆備。可以爲此。可以爲彼也。理而分晰。謂

分言一物一理。此不混彼。彼不混此也。坤道之美。于斯極矣。卽至哉坤元也。黃是五正位。自有之文。而居體。則以闇爲章。以克實爲光輝也。

冰雷屯

  
震下坎上

問屯剛柔之用如何。曰。屯只是要濟。以剛明之才居下。故屯。以剛明之才動下。故濟。陽剛居尊。但陷險中。故不濟。一味盤桓。迴不進。泣血漣如。坐失事機。不是濟。以柔居剛。妄動貪求。以致敗事。不是濟。問兩建候何如。曰。卦云建候。天開草昧。名號未定。制

作未與。一刻少表正之人不得建侯以爲民也。以濟屯也。指建侯者言九五也。爻云建侯以剛明之才。而能與時消息。自當應運而出。建侯以用世也。以濟屯也。指爲侯者言初九也。初陽爲成卦之主。諸爻皆以初起義耳。

問屯六爻云何曰。濟難的大關鍵。全在寂初一着。這個着數。一躁妄了。此後便支吾費手。初九成卦之主。其才陽剛。極易犯難。又居寂下。時未可有爲。只得盤桓不進。以守貞固。象曰。雖盤桓。其志固欲行。

正也。居而貞。豈其志哉。六二正應在上。只是離遠了。濟事不得。謂五也。逼近初剛。故屯如也。遄回如不進。謂不敢進而求五也。必至久而後合。前此不知費許多挫折。已太陰柔。則其進止。人皆得而制之。不獨男女爲然也。六三爻柔不足。有爲位剛躁于上進。若是有個應援。亦可資其輔助。如欲就于鹿。而無虞官。商度形勢可否。惟陷入林中而已。鹿可得乎。君子知幾不如舍。辨之審也。彖曰舍之則去之決矣。六四近君。乘馬欲進。以求五也。但才弱

不能有濟。故復止耳。二班如不敢進也。上班如無可進也。四班如不能進也。猶幸初九居下守正。以應求我婚媾。得婚媾之道矣。往而從之可也。故吉。既得陽剛守正之配。進而共輔陽剛中正之君。則屯可濟。故无不利也。四雖不足于才。而尚足于智矣。五有德位。只陷二陰之中。不能大有作爲。出而濟難。故屯其膏。膏澤是坎體。自有戾于時勢。雖陽剛之君。無如何耳。二應而弱。三弱而躁。惟一陽在下。得民。又數求大臣婚媾。民已去而朝有黨。故小




正吉而大正則凶也。小如度數等殺之類。大如慶  
賞征伐之類。陽德原是光的。爲二陰所掩。故施未  
光也。上居屯極。非陽剛奚濟。而六又陰柔。已無可  
爲之才矣。乘馬以往。將安之乎。何可長也。終亦必  
亡而已矣。噫。大丈夫值多難之際。宜乘屯極則開。  
亂極則治之機。雖烈振作一番。天下事尚未可知。  
至于泣血漣如。効婦人女子之所爲。豈不可羞也  
哉。

問兩婚媾如何。曰。陽下求陰爲婚。初求二二之不字。

非應也。初求四。四之往。應也。若說二求五。四求二。豈有陽不倡而陰倡。男不求而女求者乎。

山水蒙

  
艮上坎下

問蒙亨至聖功也。曰。蒙亨以下。是段段釋卦詞。非單以時中貫也。若曰。蒙何以亨。以亨之道。行時中也。蓋蒙有亨道。時中卽先後緩急。因其機而發之耳。二以剛明任發蒙之責。而五方在童蒙。原是一氣相須。非我求童蒙。我固急急發蒙。但不可往求耳。童蒙求我。則以我感而被應也。凡事初則需一。二

三則煩雜。蒙之決疑于師。猶筮之決疑于神。初來求教。其心最誠。則告之。何以告。卽以二自有之德告之也。九剛也。二中也。故曰剛中也。再三瀆。謂不如初筮之端。一則勤師而寡功。與不以三隅反同矣。故曰再三瀆。瀆則不告也。再三瀆。是蒙瀆開蒙者。若告之。是又瀆蒙也。瀆蒙。則瀆亂本來天理。而無開蒙之時矣。故不告也。夫貞所以利者。蓋蒙以養正。聖功也。聖只是一個正。而蒙體原正。聖所以蒙也。蒙所以聖也。其功在養之。以亨行時中而已。

矣。蒙亨以此。


問剛中時中云何曰。二陽德處中。故能發蒙。蒙之能亨。以亨道行也。亨道。時中也。此是剛中之用。五之志。未與二應。童蒙不求我。而遽欲亨之。非時中也。再三瀆而告之。非時中也。蒙以養正。過此而後養之。非時中也。

問發蒙包蒙見金夫困蒙如何曰。初近九二。故云發蒙。利用刑人。用以脫桎梏也。兩用字。相承說。以刑言。卽刑期无刑意。以蒙言。蒙氣不除。則拘束如桎。

枯也。一用便舍。若往而過督焉。愧時中之教矣。吝。  
九二成卦之主。包蒙者。以一陽統四陰也。納婦者。  
正應在五陽爲夫。陰爲婦。五陰下求二陽。而二不  
拒。爲納婦也。若以尊卑言。則五又爲父。二爲子矣。  
五以開蒙之責。委之于二。而二能納而包之。則子  
克家矣。謂能治蒙也。三應上九。以上陽剛。故稱金  
夫。非二也。此六三之女。自往求見。是不待命而嫁。  
不有其躬矣。謂失身也。無所利。故勿用。取如是之  
女。以喻人之徇欲喪行者。聖人不復以蒙待之。拒。

而勿敬矣。六四以陰居陰。而又陷于上下重陰之中。蒙之甚者。若能隆師敬友。下求九二剛明之賢。以自益。蒙猶可治也。而卒困于蒙。是非蒙能由人。人自困于蒙而已矣。吝。

問卦又二童蒙如何曰。匪我求童蒙。童穉而蒙昧也。有待發意。童蒙吉。童蒙故吉也。居尊而柔中。輔助得賢。可以自發其蒙。亦可以發天下之蒙。

水天需  乾下坎上

問需有孚卦詞如何曰。需是合二體言之。有孚光亨。

貞。只完得一需字。无此才。如何需得去。且看坎體中實。而居九五。何等剛健中正。實有其德。是乎。乎。則光明而亨通。世固有心誠實。而事不正者。如需。是事之賊。易之需。非不次之需。見險未可動。是能動而不動者也。故又曰貞。貞則吉矣。以此而需。何所不濟。卽險如大川。亦利涉。无覆溺之患矣。

問三陽需義如何。曰。初九居曠遠之地。去險最遠。然以陽居陽。其利在恒。陽以上進爲常。當需之時。以不躁進爲常。順常守靜。故无咎。九二去險漸近。坎


已小有言矣。夫小人之陷君子也。往往始於議論不合。而後禍患隨之。二惟剛中能需。雖有言不信。他故終不陷于險而吉。九三則剛而不中。居健體之上。又上逼于險。性躁暴而事決裂。當必不免于患害。是自蹈患害已耳。冠在外。如云冠已在外矣。非猶在外也。敬慎則可不敗矣。

問出穴入穴如何。曰。外卦險體。二陰皆有穴象。六四居陰得正。若需不妄動。故終有出的道理。直到那上六。則居險極。无復可需。有陷于穴而已。



問何爲不速之客曰。三陽以剛健之德。久居下位。未嘗忘動。至需無可需。羣陰已退。陽自然要進了。六四出穴。避陽而去也。上六入穴。避陽之來也。不俟而來。柰何。惟至誠盡禮以待之。雖甚剛強。豈有侵凌之事乎。故終吉。

天水訟



次下  
乾上

問訟有孚窒惕中吉終凶如何曰。凡訟必有所據。故曰乎。然必待決于人。曲直未明。故窒。勝貞未判。故惕。中吉中而吉也。訟而不過也。終謂終極其事。非中也。故凶。

問初六小有言與需小有言如何曰。需有言。近坎也。人不能不有言也。非皆其不能退。則議其不能進也。訟有言。坎也。我不得已而有言也。不得已而有言。原無言的意思。故一辨明卽止。才弱不能訟。位下不敢訟。

問從王事无成。是无成訟。是不敢受成。曰。據象食舊德。從上吉。則上指九五也。五爲聽訟之主。三居剛而質柔。承乘皆剛。值危懼之地。原非爲訟的。但處素安分守而勿變。雖危終吉也。然不獲已而從王。

訟事五又以中正治訟。中則聽不偏。正則斷合理。大吉而盡善的。以五而言。是不欲成訟。以三而言。是不敢成訟。卽彖所云訟不可成也。

問通爻訟不可成否。曰。是九五尊位爲聽訟之主。餘五爻皆訟者也。然剛訟柔不訟。初三柔也。故皆終吉。二四剛也。二以剛訟剛。下訟上也。于勢不克。四以剛訟柔。上訟下也。于理不可。獨上九處卦之窮訟之極。又與三對。柔不能抗。必至取勝而後已。然雖得之。必失之矣。

地水師

䷆ 坎下坤上

問師貞丈人吉无咎曰。兵危事也。聖人不得已而用之。只以正爲本。丈人以剛中之德。又得五信任之專。故其事吉。而理无咎也。曰順。曰容。曰畜。曰律。曰懷。邦曰執言。皆貞意。能以衆正。剛中而應。師中錫命。長子帥師。小人勿用。皆丈人意。

問容畜是養之于无事之時。而用之有事之日。否曰。固是左傳武有七德。安民和衆。看來又兼此義。養而後用之。寓兵于農也。以此毒天下之民。卽以此

容民畜衆。國无流民。而民无叛志。則兵雖危事。危之乃所安之矣。

問二爲師主。旣爲衆陰所歸。又得六五上應。恐涉專擅。必中而後吉。是否。曰。看。在。字。明。是。在。師。之。中。在。師。中。何。以。吉。九。二。在。師。中。故。吉。也。九。二。有。剛。中。之。德。則。愛。以。濟。威。謀。以。協。勇。自。有。懷。邦。之。吉。而。无。與。尸。之。咎。矣。

問六五田有禽。利執言。長子帥師。弟子與尸。貞凶。自田已有禽矣。此其所執之言也。若窮山索禽。何言。

乎。弗利矣。弗利。卽毒也。長于帥師。謂九二。此節制之將也。弟子與尸。謂六三。則僨師之將矣。只不長子而弟子。便是任不專。與尸。是其師徒喪敗。與尸而歸也。與尸何云貞。謂卽執言田有禽甚正。然未免凶矣。其矣。任將在得人也。

問錫命有命如何。曰。九二錫命。謂命于行師之始。任之專也。上六有命。謂命于行師之終。賞之公也。

水地比



坤下坎上

問比卦詞云何。曰。比吉者。親則凶。比則吉也。合人我

言之。凡物相好。一邊做不來。必須兩志相求。兩志不相求。是睽而非比矣。彖言五陰比一陽。象言一陽比五陰。所謂合人我言之也。如盡瘁聖君。推誠賢輔是也。原筮爲比於人者言。方來爲比人者言。蓋比不可以苟合也。比我之德也。原筮者。反而審其德如何也。元。長人者也。永而不斷。貞而不隨。有是三者之德。則无咎而可以比矣。其未比而不安者。方來求比。方云者。謂來而未已也。乃不速而后。是亦自外曲成。甘處孤危已耳。故後夫凶也。蓋比

之相親固有道。而欲比之志。則不可緩也。卦詞本  
泛言比道。彖詞方以九五剛中釋之也。不寧方來。  
謂四陰也。後夫者。後之人也。謂上六一陰也。四陰  
皆比五。獨上六一陰不比五也。

問比內外比如何。曰。內外以上下卦言也。二曰比自  
內。四曰外比之。此二句虛。其吉在貞。貞故吉也。二  
之貞。柔順中正。比五自內。又係正應。故吉也。四之  
貞。居柔得正。外應乎五。初四不應。舍昏柔而比陽  
剛。故吉也。夫子恐人疑以陰比陽爲非。故又釋之。



曰。不自失也。比賢以從上也。若以內爲潛修待上。則外字如何說去。

問比之匪人。指二四否曰。若以隨時取義。費許多解釋。只在應上說。初應四。二應五。皆比得其人。惟三應上。比之無首者。故爲比匪人也。

問九五顯比。王用三驅。失前禽。邑人不誡。吉曰。五居尊位。陽德光顯。爲群陰所比。故曰顯比。亦是其中正無私之意。顯然暴白於天下也。五以一陽比五陰。固以恩惠來天下之比。亦未嘗不以刑威齊天

下之未比者。古者天子田不合圍。於殺物之中。寓生物之義。三驅失前禽。謂我自解網。前禽聽其自失。无過求之心也。然我雖不過求天下。而天下不能外王者。由邑人而天下。有不待告誡。莫不靡然順從之矣。吉。王者化從近始。言邑人以該遠也。于失前禽。見去而不追。于不誠。見來則撫之。勿重出。問比无首。與乾无首如何。曰。乾无首。剛變爲柔。不爲首也。比无首。陰柔居上。不能爲首也。以不能爲首。率衆陰比于一陽之意。

風天小畜

䷈ 乾下  
巽上

問小畜亨意如何曰。只是以陰畜陽。故小畜不住。便  
行將去。故亨。雲陰氣也。自我西郊。地无陽氣。陰便  
留不得了。故不雨。蓋言单陰不雨。陽志行。便雨了。  
問健而巽剛中而志行。乃亨。密雲不雨。尚往也。自我  
西郊。施未行也。曰。健而巽。以二德言。剛中志行。以  
二五言。五陽畜于一陰。無二五剛而得中。爲剛中。  
陽氣上進。四陰畜他不住。乃亨。密雲不雨。陽不止  
而散。做雨也。故曰尚往。謂陽猶往而上也。自我西

郊。陰不能止陽。降而成雨也。故曰施未行。謂陰之志不得行也。

問風行天上云何曰。陽包陰內不出。則爲風。是畜風行天上。畢竟陰畜陽不任。是小畜。畜德以統體言。故爲畜之大。懿文德以發見言。故爲畜之小也。

問小畜爻義如何曰。卦言畜。取止之義。爻言復。取進之義。初九前遠于陰。以剛正能復。雖與四應。不爲所畜。復自道者。復在我當由之路。謂我原有進身大道。不援他塗以進也。九二漸近於陰。剛中而志

行。牽復者。謂爲初牽連以復也。大抵卦全體一陰畜五陽。上下體則異畜乾也。乾爲異畜。三陽不得不進者。其勢也。九三迫近四陰。比昵易生。獨初二道合志同爾。初守正不往。二雖剛中志行而上無應援。不牽復。二未必進也。牽復則初二同進矣。以抗四陰也。巽三爻一陰二陽。自乾觀之。通巽三爻皆陰也。以一四陰畜三陽不勝。故四又上合二陽之志。以共畜之。非單指五也。蓋同居異體。无有不合也。九五富以其鄰。以其富與四也。夫四何以血

去惕出。以二陽助之也。至富以其鄰。則真助之矣。  
上九既雨既處。爲四和而止也。亦是助的意思。此  
又一陰畜五陽之義矣。

問六四有孚血去惕出无咎曰。據象詞上合志觀之。  
是上合二陽之志。以畜下二陽也。乾陽銳而上進。  
巽欲畜之。六四獨被其衝。以由中之信。依附九五。  
舉如之陽。上九和止之陽。合志共畜之。則可以血  
去惕出矣。以陰畜陽。陽不爲畜。原有傷害憂懼意。  
虛中巽體。正是他乎處也。


問上九爻詞云何曰。密雲不雨。尚往也。謂陽往而不處也。不處。則不和。不和。則不雨也。既雨者。既處也。處則和。和則雨矣。乾陽不受。與畜者也。與陽至上而窮。窮則不可復進而畜矣。謂以與之六四。畜與之上九也。體陰而爻陽也。故既雨既處也。然陰何敢畜陽。蓋漸積使然也。六四。無刻不思畜陽也。畜初。畜二矣。皆不爲所畜也。至三則係畜矣。猶陰陽爭也。亦不爲所畜也。至九五則推寬厚之力。以與四矣。以同居異體。故反助之也。上九居與終而畜。

極矣。只得處而和矣。夫以六四一陰。而畜上畜下。宜其傷害憂懼。而反无咎。豈一朝夕之故哉。蓋尊尚陰德。至積滿而然也。夫陰何敢畜陽。以婦制夫。畢竟于理不順。雖貞亦厲。以戒強也。吳于是爲幾望之月。夫既兩既處和矣。君子乃反其和不處而有所行。小人能無疑哉。疑則惕懼其有行。血而傷我也。疑則變坎爲盜。故凶也。以戒乾也。然却陽有長的意思了。月一盈。便虧也。陰雖盛。豈得加陽。陽不失道。豈制于陰哉。



問富以其隣是以上四爲隣資其富以畜是以四爲  
隣推其富以助其畜曰據象云不獨富觀之却是  
推富以與六四蓋六四爲畜主只與頤中虛却甚  
軟弱不足此又同居異體故反助之也此與陰畜  
乾陽之義

天澤履



兌下  
乾上

問卦爻履虎異同曰卦詞以兌而應乾是以下體應  
上體也和悅以躡剛強之後也三居兌卦之上而  
遇乎乾者也俱以乾爲虎九四陽剛而體乾又履

九五過決之剛。是又以九五爲虎也。卦象柔順而說。以應乎乾。卽莊周云虎爲養已者媚也。故不噬人。吉。三正當兌口。以柔爻而履剛位。和悅之體不具。故噬人。凶。四位雖不正。然以剛履柔。則不至于強暴。所以戒懼終吉。不噬人也。

問履六爻義如何。曰。素履者。素其所履也。履道惡華。初未交于物。其體潔素。故曰素履也。象曰。素履之往。獨行願也。又不變寒之意矣。履道坦坦者。所履之道坦坦也。二以陽處陰。務自謙退。故所履坦坦。

平易。無險難也。惟坦坦。則真履道矣。此是幽靜玄  
淡之人。守此而吉也。中亂則非坦坦矣。眇與跛。柔  
也。能視能履。剛也。眇自謂能視。跛自謂能履。六三  
所謂才柔而志剛也。履虎噬人。凶者。自傷也。武人  
爲于大君者。傷人也。四居乾之初。近逼于五。進而  
見傷。則其志不行。惓惓者。兢業也。兢業所以行志  
也。剛而能柔。故吉也。決履者。決其所履。無復疑礙  
也。无才。不決也。有其才。無其位。不決也。九五當其  
位矣。而才又足以決之。而其下又以和悅應之一。

決則決矣。當決者決之。卽不當決者。亦決之矣。則非獨恃其才爲之。而恃其勢爲之也。故雖正亦危也。上九處履之終。履道已成矣。視履考祥者。考其終也。其旋者。考其終如其始也。視履卽是考祥。考祥者。考其善也。惡則不必考矣。以祥往。以祥旋。故吉而大也。祥者。我所爲也。福慶。天所爲也。君子視履而已矣。何心福慶哉。然而大有慶矣。大抵履一卦。以陽爻處陰位爲美也。

問兩當位如何。曰。六三以柔居剛。則履位不正也。九

五任剛決而行。以其正當尊位也。一則傷于妄。不宜當而非。一則傷于恃。宜當而非。

地天泰



乾上  
坤下

問。裁成天地之道。輔相天地之宜。以左右民。曰。裁而成天。裁而成地。如天氣流行。籠統相續。聖人則爲分。春夏秋冬之節。地形廣遠。經緯莫辨。聖人則爲分。東南西北之限是也。至輔助贊相。纔生出經制作用來。如以生殺宜四時。剛柔宜四方是也。裁成以氣形全體言。輔相以勢時所適言。裁成輔相所

以左右民也。養以遂其生。教以復其性是也。

問包荒四句。平否是分。之各一中。合之共一中。否曰。據象包荒。尚中行。觀之。是以包荒作主。下三句皆包荒內事也。如云包荒。用此道得焉耳。凡包荒者。寡勇。忘遠。徂私。于包荒。見二之柔。于用馮河。不遐遺。朋亡。見九之剛。所謂柔而不弱。剛而不決也。故曰得尚於中行。

問九三无平不陂。无往不復。艱貞无咎。勿恤其孚。于食有日。三居乾之已終。而坤之將始。平陂往復。此

天運之必然。所謂孚也。若能艱危其心。正固其事。盡人事以回天運。則可以无咎矣。不艱貞。則陽陂陰復。可憂恤孰甚焉。艱貞又何勞憂恤乎。豈惟勿恤。且有祿益矣。于食有所以无咎也。

問无往不復如何。曰无平不陂。指陽說。无往不復。指陰說。象云无往不復。合陰陽說。謂陽必復上。陰必復下也。天地際。謂三四之際。間不容髮矣。艱貞其可緩乎。

問不富以隣與小畜富以隣如何。曰小畜富。指九五

說陽中實爲富。是以其陽剛。推與六四共畜下三陽也。泰不富。指六四說。坤中虛爲不富。是不借富厚之力。能合上二陰。行其願也。

問上六城復於隍。勿用師。自邑告命。貞吝。曰。完全一個世界。直至勢窮理極。事不可爲。而又以陰柔險壬之臣居之。城復于隍。謂界不承尊。坤道圯矣。夫界不承尊。則民不奉君。衆畔人離。師尚可用乎。勿用者。不擾動。益重其離散也。自邑告命。或四境已削。窮守一國。或四境孔亟。治自近始。告命如悔過。



之詔。極痛哭流涕之情。如施仁之辭。備維持補救之策。雖告命亦正。然可羞吝也。謂告命之已晚。又告命之難遍也。

天地否

䷋ 坤下  
乾上

問泰先小往大來後吉亨否先不利君子貞後大往小來云何曰。泰以天運推之人事。歸之天也。否則人事參之天運。責之人也。否之匪人。不利君子貞。非謂否之時。不利君子貞也。

問不可榮以祿是不可得而祿否曰。還是說君子見

得否時。不可有爲。不可榮以祿。蓋君子无日不思  
濟否。但相時而出耳。若是不可得而祿。則是獨善  
者流。否終不能濟矣。


問包承包羞如何。曰。六二陰柔中正。无傷君子之才。  
亦无傷君子之心。一味包容承順。小人不傷君子。  
君子自不去傷小人。故小人吉也。若九三。則以剛  
居柔。雖无傷君子之才。而有傷君子之心矣。包羞  
者。小人以傷君子爲快。未嘗不以傷君子爲耻也。  
問有命无咎。賁卦曰。否九四。與泰九三對看。有命。

炤平陂往復。泰過則否。否過則泰。天運是如此。无咎。炤艱貞无咎。此處有力。卽所云以陽居陰。不極其剛意。嚙離祉。炤勿恤。食有。謂必艱貞无咎。而后獲食有之福。必无咎而后爲嚙類之祉也。嚙。謂五上二陽。

問休否傾否如何。曰。否漸次消將去。直到五爻。乘世界搶攘之後。天方厭亂。大人因其機而休息之。故曰休否也。大人吉者。卽六二否亨之大人。前此安其否者。有其德而无其位也。无權以制小人。不否。

則爲所誘而進矣。九五以大人之德而居大人之位。如是則可以休天下之否矣。休否故吉也。休否云者。非否休也。休而未離于否也。故又曰其亡其亡。係于苞桑。上有將泰之機。九有濟否之力。傾如水之傾也。否盡變而泰矣。先否後喜者。喜從其亡其亡。憂懼中來也。

天火同人



離下  
乾上

問同人于野亨。利涉大川。利君子貞。曰同人取義甚多。然名同人。以二五居人位也。他義只說得個同。

字。同人于野者。我同乎人。人同乎我。無論尊卑大小。無一人不在同中。則曠遠無私。同便是亨。且利涉大川。何艱危之不濟哉。然必所同者。合君子之正道。乃爲利也。

問乾行。君子正。通志義云何。曰。成卦之義。以二爲主。九五中正。二以柔順中正應之。謂二同乎五也。須是剛健的人。方做得同人的事。一味柔順的。如何出外面同人。且涉險乎。乾行。謂九五也。以象則文明以健。以爻則中正而應。君子正。君子貞也。兼二

五說。惟君子爲能通天下之志。志通則人同矣。志通則人又可不必盡同矣。

問類族辨物如何。曰。均是族也。而有親疎厚薄不齊。君子比其不齊者。類做一處。親厚。類親厚一族。疎薄。類疎薄一族。物是族中應有之物。卽服物章采之物也。度數等威。各歸其則。親厚疎薄。而無過不及之差。是謂辨物。所以審異以致同也。

問同人于野。門宗郊義云何。曰。門以內爲家。家之內有宗。同人于宗。同一家之人也。同人于門。猶未離

乎家也。孔子恐人錯認。故又曰同人于門。是出門  
同人也。既出了門。便同一國之人矣。國外曰郊。郊  
外曰野。郊較國中的人爲少。較曠野的人爲多。但  
可云不曠遠。豈可云荒僻乎。上九是個子處獨善  
的人。其志趣狹小。獨善則不肯同人。狹小則不能  
同人。故曰志未得。得則同矣。若同人于野。是又廣  
又遠。推之天下。亦猶是也。

問伏莽乘墻如何。曰。六二一陰爻。爲諸陽所同。初上  
在事外。不相干涉。所以无爭。惟三四兩爻。居二五

之間三以陽居剛。不得中。四剛而不中正。其意皆欲同乎二。三懼五之見攻。故升高伏莽。欲敵之。以居外卦之下。故曰伏莽。以居內卦之上。故曰升高。而五陽方剛。不能奪。故不能行也。四亦與五爲仇者也。近于五。如隔墉耳。乘其墉者。謂升其墉以攻之。猶升高之升。非秉承之乘也。弗克者。邪正之義弗克也。攻。攻取之攻。非攻伐之攻。弗克攻爲困。困而反。則不攻矣。故有悔過之吉。二與五正應。始雖睽。終必合。故先號咷而後笑也。二爲三四所隔。不



得其同。二柔。易退君子也。三四剛。易進小人也。五必大奮剛勇。不爲邪間。然後得與二合。故曰大師克相遇也。諸解以三攻五。四攻二。則九五大師克三四。爲矛盾矣。

火天大有



乾下  
離上

問應乎天而時行曰。應天者。九二上應六五。時行。則六五得九二之應而時行也。柔得位大中。上下應之。專指六五之位言。剛健文明。雖兼兩體。若以五陽之有。皆一陰之有。卽以統歸六五之德可也。有

其德則應天而時行矣。時而行其德則德足以任事矣。時而行其明則明足以燭理矣。非天時之時又非當可之時也。

問初九无交害匪咎艱則无咎曰。當大有之初。陽剛居下。上無應與。自家還出來底儉澁。還不敢做出大有的事。故无交害也。一交便有貧富多寡之跡。小則爭競。大則攘奪。豈不有害。无交何害矣。匪咎无咎。相呼應。夫財富衣食之源。天地間極正大的道理。本匪有咎者也。然必艱處則无咎矣。此主程

傳。本義。則云未涉乎害。何咎之有。以匪咎足上句矣。

問大車以載。積中不敗云。何曰。乾爲大車。九二體乾。故爲大車以載。謂載五也。有載而不可往。往而輒敗者。積中多。而車小也。若大車以載。則足以勝重。致遠。何敗之有。中猶內也。非剛中之中也。

問威如之吉。易而無脩。是直解。是轉語。曰。據宋儒云。威如之吉。謂若无威嚴。則下易慢。而无戒備也。九家易云。六五爲卦主。有威不用。唯行簡易。无所防。

備。物感其德。翻更畏威。威如之吉也。此說好。  
問上九自天佑之如何。曰。只在上九看出天佑來。上  
九以陽處上。爲剛極。與體居上。又爲明極。剛極宜  
有招損之虞。明極則知持滿之戒。六五虛中。信德  
而已。履焉。履信者也。諸爻從剛。五獨從柔。柔爲順。  
下以從五。思順者也。物不累心。高尚其志。尚賢者  
也。非以賢屬五也。故曰天之所助者順。人之所助  
者信。履信思順。又以尚賢也。繫詞具焉矣。

地山謙



艮下  
坤上

問卦爻兩有終如何曰。卦詞先謙亨而後有終。謙便  
亨。故有終。卽在亨上見。謂君子常常如此亨也。九  
三勞謙。非謙難也。勞而謙。難也。久而不變。乃謂有  
終。有終則吉也。是勉詞。

問六二中心得上六志未得如何曰。俱是以陰居陰。  
俱是鳴謙。據傳中心得。對勉強言。若以志未得觀  
之。非是。六二得力處在貞。謙而不貞。則流于邪佞。  
畢竟非謙本意。故貞則吉也。上六雖謙極有聞。其  
貞未可知也。故志未得。謙之志未得也。惟志未得。

所以行師治邑國。蓋以未盡信從故也。

問鳴謙曰。總是有諸中。必形諸外。卽根心生色。喻四體之意。六二上六。俱以柔居柔。謙德積于中。自然發見于聲音顏色。故曰鳴謙。中正之德。二所自有。故吉。上六居柔順之極。又居謙之極。太過於謙了。便要帶些剛武。故利用行師。行師未免動衆。而以謙用之。則利矣。云濟也。然但可以治所私而已。若好大喜功。勤遠畧而四征焉。則又有害于謙矣。卽鳴豫。亦是發于聲音顏色。但謙是蓄極而露。豫是

自滿而發也。若曰。謙極有聞。亦豫極有聞乎。說不去矣。


問。无不利。爲謙不違則也。曰。无不利者。上與下无不利也。非單指利九三也。若曰。六四上承謙德之君。下乘勞謙之臣。而在我又柔謙自處。上也是利我的。下也是利我的。可云謙已極乎。愈當謙抑不違。發揮于辭氣容貌之際可也。蓋前此謙德。經于中。茲則謙容形于外也。總是示不敢自安之意。此六四所以處上下兩利之地。近上不嫌。乘勞不忌者。

乎。然撝謙。非爲諂取容也。要直還當然之則而已。  
故曰不違則也。

問六五不富以其鄰利用侵伐无不利曰。六五以柔  
居尊。不言謙何也。臣民之謙皆其謙也。如是則不  
待勢驅力服。臣民信從之者衆矣。爲不富以其鄰  
之象。居柔故曰不富。人只見謙是卑遜的。不知謙  
是極剛強的。時而降志以從賢。時而厲威以除暴。  
故曰利用侵伐也。謂用侵伐利也。无不利者。卽不  
用侵伐无不利也。



雷地豫



坤下  
震上

問豫剛應而志行順以動。豫曰。豫之義。剛應而志行。順以動。此其所以豫也。四以陽爲卦主。五陰從之。剛志大行。故曰剛應而志行。謂四一爻也。坤下震上。是順以動。謂二體也。諸倣此。

問六二介于石。不終日貞吉。曰。總是豫不可溺。有應有比。的易溺。初應四。三五比四。故曰凶。曰悔。曰疾。獨二陰柔中正。雖在衆陰之中。確然自守。其介如石焉。謂不爲四搖動也。如此守得定。原是見得明。

若富貴已極。盈滿難居。則見幾而作。寧俟終日乎。  
謂能含豫而不處也。此則中正有守。吉可知矣。  
問六三。肝豫悔。遲有悔。曰。正與六二相反。肝豫與介  
石反。遲與不終日反。則以中正不中正故也。九四  
爲衆陰所歸。是極豫的。九三是依時附勢的小人。  
只覩得四的富貴。畢竟良心過不去。豈不愧悔。然  
能見幾而作。速速割斷下來。不爲逸豫所溺也。還  
改得前非。若遲了。則必有悔吝矣。

問九四。由豫大有得。勿疑朋蜮簒。曰。九四居大臣之

位。莫不由之以豫。莫不由之以豫。故大有得也。謂以一陽得五陰也。四以陽居陰。猶未離其類也。故稱朋焉。大有得。卽是朋。盡簪。又戒勿疑。何也。曰。卽以大有得疑之也。四以陽居陰。陰性善疑。大豫之時。諂容易生。則疑之。大豫之后。猜忌易形。則疑之。安望朋類盡聚乎。勿疑者。不外親而內疑。不始親而終疑。由是則同類之朋。皆樂聚而爲吾用矣。問六五貞疾。恒不死。曰。僉謂六五雖陰柔。而居君位。沉溺于豫。不知何曾得豫。惟疾苦而已。疾者。豫之

反。四擅權得衆。五未免受制于四。故不豫樂而疾苦也。貞疾者。痼疾也。卽恒之義。言雖常常疾苦。亦常常不至亡也。貞疾。時之所在不死。則位之所在矣。故曰乘剛。又曰中未亡也。

澤雷隨



震下兌上

問官有渝。貞吉。出門交有功。曰。凡物不自變。以隨時也。纔變動。則貞不貞。未可知也。惟初爲震主。有官守者也。九之剛。能守官者也。官在乾之上。今來居坤之初。官之有渝者也。官守者不可渝。今以乾柔

之陽。變震體之陽。有渝而正矣。故吉也。然必出門  
交。乃有功。否則隨于私昵。豈但无功。凶吝因之矣。  
官有渝。貞吉。是一直說出門交有功。方是戒詞。時  
說貞而后吉。出門交而后有功。豈有貞而又私者  
乎。已正而吉矣。出門云云者。所謂因其正而廣之  
也。非兩爲戒也。

問六二六三同異。曰。二爲陰柔。不能自立。乘初陽近  
而係之。則五雖正應。必失之矣。謂失其所不可失  
也。三與初同居異體。而切近於四。上比于四。故下


失于初。謂失其所當失也。但以六居三爲不正。又與四非應。故二无戒。而三有居貞之戒也。

問三隨有求得。四隨有獲。同異曰。三之隨。隨其所當隨。以下隨上也。謂有求于四。四必應之。故曰有求得也。四之隨。隨其所不當隨。攘五之隨。以爲隨。謂以得五之隨。爲獲也。三則居貞利矣。四則雖貞。猶凶也。

問四有孚。五孚于嘉。兩孚如何。曰。隨有獲。非隨上之義矣。必有孚于五而后无咎也。恐四之不善隨乎。

五也。九五爲隨之主。得衆爻之隨者矣。而五之舉  
唯在于二。吉者。謂隨之至善者也。喜五之隨乎。二  
也。

山風蠱



巽下  
艮上

問蠱元亨利涉大川曰。天地間治亂相因。治則必亂。  
亂則開治。前人敗壞之終。後人振飭之始也。且看  
天下全盛時。朝野無事。海內乂安。在上的。一味養  
尊處優。不肯操作。在下的。又委意承順。而无阻忤。  
所以剛柔之氣不交。只此巽而止。便釀成敗壞的。

道理。只此巽而止。又漸向治平的機括。只此巽而止。又生出濟險維艱的事業。先甲三日。後甲三日。所謂往有事大亨。而天下之蠱可治也。甲始也。先甲。后甲。卽先始。后始。故始必有終。而終則有始也。雖天運然乎。亦人事然耳。

問諸爻父母取義如何。曰。艮止于上。父道也。巽順于下。子道也。此以卦體言。初應四。而四柔。柔非父也。故以艮爲父。二應五。而五柔。故不取父。而取母。皆尊稱也。三以上爲父。上在事外。如父老。以家事付



其子。六四居艮之下。五居尊得中。則以五爲父。五雖居尊位。而以子道自處。則又繼體之君矣。雖天子必有父之義也。

問諸爻幹蠱義如何。曰。初六幹蠱在厲。艮是剛陽的。而初六又陰柔。非打起精神。着實矯厲一番。濟得甚事。故須厲。曰意承。不惟事矣。九二幹蠱在不可貞。五是陰柔的。而九二又是陽剛。是在委曲調停。使之身正事治而已。若固執已之道。不惟傷恩。亦且扞格矣。故不可貞。曰得中道。非以其位也。九三


幹蠱。其有悔處。以陽居剛。未免徑情太過。其無大咎處。亦在陽剛。以方蠱。非其才不濟也。六四艮體。已是止了。而又爻位皆柔。止者怠。弱者懦。優游寬緩。以付之。是謂裕父之蠱。五奚賴焉。蠱將日深矣。故往見吝。六五幹蠱。在用譽。譽卽髦譽之譽。謂二也。五有治蠱之責。而六有治蠱之才。然虛心應賢。猶可相助爲理也。用髦譽。與用賢而得譽。較直捷矣。

問上九如何在事外。曰。以其居九。則有陽剛之才。以

其位上下无係應。則在事外。大約君子當蠱世。其出也。盡力以濟焉。得與之義。行其所當行也。其處也。潔身以退焉。得艮之義。止其所當止也。

問上九當蠱世如何。坐視蠱壞不治曰。還是那蠱到此時。上下皆幹得好了。君子可以不出。又无應援。不偶于時。不事王侯。高尚其事。外度之世。內度之已。合當如此。故曰志可則也。

地澤臨



兌下  
坤上

問臨剛浸而長。各節義云何。曰。剛浸而長。自復一陽。

生。積而至臨也。謂二陽臨四陰也。浸字內。已具有  
循環的道理。說而順。內兌爲悅。悅則二陽之進爲  
不逼。外坤爲順。順則四陰之從爲不逆。謂二體也。  
剛中而應。謂二五爻也。此上下之互爲臨也。只說  
得一個臨字。若曰。以此臨小人。其元亨必矣。而又  
戒以正何哉。好正而惡邪者。天之道也。天道倚伏。  
无平不陂。至于八月无有不凶者。勿謂剛長。不久  
當立消矣。君子體天道以盡人事。安得不以正乎。  
信乎不可不早爲計也。纔是解利貞。因經文有至

于字。纔提出天之道來。自變至姤卦。凡八爻。非謂八個月也。

問咸爲感爲徧。曰。以陽臨陰。謂之感。以陰從陽。亦謂之感。陰陽交感。謂之咸。四陰從二陽。亦謂之咸。但咸字該得感字。感字該不得咸字。且以二陽感四。五二陰。置三。上不問。亦狹矣。還作徧爲是。

問初九九二俱咸臨。而戒勉異何也。曰。初九剛而未中。猶伏處乎下。未當臨陰之位。惟當固守其志。以從二。二剛而得中。其勢上進。當臨陰之任矣。不過

率初陽同往而已。貞吉者。以貞而吉也。戒初也。吉而尤不利者。既吉而又尤不利也。勉二也。

問甘臨至臨如何。曰。甘臨。謂以甘說邪媚之道。臨人也。至臨。謂以親近切至之心。臨人也。三當兌口。四若順初。三不中不正。四正而不中。而初二兩陽浸浸上進。勢將逼已。三四只得委曲依附。還可免咎。但三做得有跡。而四稍出至誠耳。三乘陽而四應陽。其當位不當位之別與。

問未順命云何。曰。一說五順體。二說體。又陰陽相感。


出于至誠。非由順上之命。一說以陽剛之臣。事柔  
弱之君。君命有當於理者。則順之。有不當于理者。  
則不必順也。期于以道事君。而不可苟于從命也。  
此義較好。

問卦詞初九九二。是以剛臨柔。餘四爻俱以上臨下。  
上九无位。何以爲敦臨。曰。天高覆物。上臨下也。地  
厚載物。以下承上。非臨也。上六陰柔。以坤載物之  
德臨之。以俟二陽之進。而非以柔臨剛也。在上而  
不以高自居。厚之至也。故曰敦臨。得坤上一爻之

義。

問志在內云何曰。志在升二陽也。陰以陽爲主。又下卦爲內。故云志在內也。

風地觀

坤下  
巽上

問盟而不薦其說繁多如何曰。盟而不薦者。謂祭祀之時。纔盟手灌神。一切薦腥薦熟。都未曾舉而行之。如人君出身加民。端拱在上。一切規爲制作。亦未嘗舉而行之。而天下之人。已莫不盡其孚誠。頤然瞻仰之矣。蓋不待觀其行事而化也。




問觀天之神道而四時不忒。聖人以神道設教而天下服矣。曰。却是從盥而不薦上生出神道來。若曰。觀天之神道而四時不忒。四時觀天而化也。聖人神道設教而天下服。盥而不薦有孚顒若也。蓋天道不言而時行物生。聖人篤恭而天下平。天道其神矣乎。聖人體天設教。其神矣乎。總是自然觀感的道理。不犯手做的意思。

問兩觀我生。觀其生異同。曰。諸爻皆欲觀五而觀以遠近取義。遠五者凶。初二也。近五者吉。四也。惟三

居進退之間。故不觀五。但觀我生。以我之通塞。爲時之進退。察已以從人也。九五以陽剛居尊位。其下四陰。皆仰而觀之。我將何觀乎。但觀我生。以風俗之從違。驗所行之美惡。察人以修已也。上九有德无位。亦爲下所觀。豈可以天下事。无與于已。而安然无慮乎。但觀其生。可以仰瞻矜式與否。以見賢人君子。雖不得位。而其志固未得安然平定。一日忘天下也。又見得无位。故不觀五。

火雷噬嗑



震下  
解上

問卦以噬嗑剛柔孰勝曰。噬而后合。畢竟是剛勝。只六五君位。以寬仁爲德耳。且如中四爻。皆是用刑的。所值間有大小。則獄有難易。二五相應。而二以柔居柔。五則以柔居剛。而噬乾肉難于噬膚者。五之才。勝于二之才也。三五俱以柔居剛。而五得黃金。三遇毒者。則以五之位。勝于三之位。中正不中正故也。五視二三有異矣。爻詞但云无咎。不及四之吉者。則以五之柔。又不及四之剛也。

問六二噬膚何至滅鼻。六三噬腊肉又遇何毒。曰。噬

膚。不是從易入。是用法之輕。不肯酷刻的意思。以乘剛不服。浸淫以至滅鼻。非任刑之過也。腊肉。堅剛之肉也。毒。苦惡之味也。腊肉已是難齧。更遇毒味。卽失政刑人。刑人不服之意也。若四噬乾肺。得金矢。五噬乾肉。得黃金。則刑人而人服矣。毒于何有。不服。則不肯入金矢求聽矣。二居柔。故雖滅鼻无咎。三居剛。故先吝。后无咎也。

問膚肉腊肺義云何。曰。囚也。膚。易噬者也。乾肉難于膚。而易于腊肺者也。小物全乾爲腊。腊則有骨矣。

比乾肉難矣。肺則骨大于脂。比脂又難矣。噬所以  
治囚也。初无咎。囚可无咎也。二。三。五。无咎。囚不得  
而咎之也。卦以四爲罔。則受噬在四爻。以初上爲  
刑。則受噬又在初上也。四反爲噬主矣。其取義不  
同如此。周禮訟小出束矢。謂百矢也。獄大出鈞金。  
謂三十斤也。而後聽之。四矢金兼得。五獨得金者。  
臣大小兼聽。君聽其大者而已。

問九四利艱貞。五利貞云何。曰。九四任剛。是他極滑  
手的。六五任柔。是他極平常的。一戒其不可全剛。

一戒其不可全柔也。

山火賁

 離下  
艮上

問賁亨。小利有攸往。曰。凡物得所飾。便有體裁。便極光華。便行得去。故亨。惟飾而后亨。故小利于進也。本大而文小也。以卦變言之。此本泰卦。柔來文剛者。剛得柔而后文也。剛一而實者也。本也。柔二而虛者也。文也。剛不得柔。便不成文了。剛而得柔。成一個離體。離明于內。所謂凡物得所飭。便有體裁。便極光華。便行得去也。故亨也。分剛上而文柔者。

上卦體原是純柔的。柔不得剛。却也不成文了。剛往而文柔。一而實者。一爻也。二而虛者。兩爻也。畢竟剛又文不過柔。却又成一個艮體。艮止于外。畢竟有行不去的物事。故雖利攸往而小也。

問天文人文如何。曰。剛柔交錯。自然而然的。天文也。如四時之變。爲春夏。柔交于剛。變爲秋冬。剛交于柔是也。文明以止。是文配得的。妥當。各止其則。而无過不及之差。人文也。如君臣父子之間。粲然有禮以相接。截然有分以相守是也。

問賁趾賁須如何。曰。君子无位在下。體明德剛。自是賁餘所行。然賁趾莫若車之榮。而君子舍車而徒者。決于義也。蓋人當貧賤。徃徃不顧所安。君子一發足之初。寧卑无苟。蓋以道德爲賁。而非以富貴爲賁者也。賁須者。賁美其須也。須是天生自的。豈可賁飾其美。然非无附而生。生于頤也。頤盛則須潤。頤衰則須枯。如陰不自明。得剛而明。陰不自立。得剛而立。賁其須。賁其所附之頤也。三在二上。頤象。二在三下。須象。附三而動。故曰與上與也。



問九三賁如濡如永貞吉曰。三與上无應。居二柔之間。相比成賁。所謂剛柔錯而成文也。賁飾之盛。光輝潤澤。故濡如也。三剛之正。二四柔之正。非不貞也。但須永耳。能永貞。則二陰于我。爲潤澤之濡。我于彼。爲不陷溺之濡矣。故吉。互坎有濡義。亦有陷義。故云終字根永字。莫之陵。根貞字。這便是吉處。問六四賁如皤如白馬翰如匪寇婚媾曰。六四柔也。柔得剛而成賁。三與初皆剛也。但三非應。而初應。故四求初。不求三也。四與初本當賁如。而爲三所

隔。則失所資。而蟠如矣。蟠。髮白也。陰盛陽衰之象。  
謂柔不得剛也。馬。人所乘。人白。馬亦白。謂六四德  
與位皆柔也。四乘馬以逐初。其急迫惶切之狀。有  
如飛翰之疾。而卒爲三所隔。九三剛正。非是害我  
者。求與我相合耳。寇。害也。婚媾。合也。三若曰。等剛  
耳。與其遠而求初。孰若近而比我乎。而其如四守  
正不偏何哉。

問資于丘園。束帛戔戔。吝終吉。曰。內三爻屬離。以文  
明爲資。初資趾。二資須。三資濡。皆有設飾也。外三

爻屬艮。以篤實爲貴。四皤如。五丘園。上白賁。皆无  
設飾也。從來說朝廷。則爲華美可觀。丘園。直是樸  
素。六五柔中。能樸素是崇。不事靡麗。有丘園象。曰  
賁者。這是賁的正道。蓋无文爲文也。夫崇樸固是  
好事。若當用處。亦不可大慳了。如束帛。以將祀神。  
禮賢之誠。而乃妾妾如此。則是无所不菲薄矣。故  
吝。然抑浮還淳。故又終吉也。又兼承乘二意。見得  
六四以白爲賁。已開其始。上九亦以白爲賁。又返  
其終。總合成得一个艮體。以篤實爲賁也。妾妾從

淺。淺小之意也。

山地剝

 坤下  
艮上

問君子尚盈虛消息有人事否曰。此正是君子觀象處。盈虛消息。是天運自然道理。君子尚之一則順而不敢違悖。盈與俱盈。虛與俱虛。消與俱消。息與俱息。若羣陰方銳然並進。而我盡力與之爭。將必激裂而不可爲。一則止而不許窮極。虛其所盈。消其所息。如五陰並進。只有孤陽在上。若任他再盈再息。則弁一陽无之矣。所以他象不言觀而獨于

此發之。以見君子治剥。非惟力到。亦其識定也。

問山附于地。剥上以厚下安宅。曰。山高于地。而反附着于地。謂高附于卑。貴附于賤。于事理不順。故剥。然坤厚能載。山所以安其居而不搖。君子厚以得民。則其位亦安而不搖。卦以下剥上取義。五陰剥一陽。象以上厚下取義。以一陽統五陰。卦則成剥之義。象則治剥之道也。


問六五居剥之極。如何又率從陽。曰。剥至此。再剥不去。只爭上九一陽。再剥。卽是純坤了。天下可一日

无陽哉。聖人見得已有復機。不以天行自然處見復。而以人事轉換處見復。六五若曰。與其以次剥陽。至于凶。孰若以次承陽之爲利哉。魚官人。皆指衆陰貫統率也。謂統率衆陰受制于陽。如以官人寵一聽其指揮也。

問上九碩果不食如何。曰。碩大之果。如何不食。只在木木。還未食到耳。噫。亦危矣哉。且如小人害君子。不剥盡不休。但留得些公道在。畢竟小人不能勝君子。依舊得坤輿爲群陰所載。當其剥也。君子潛

匿遠害。不敢與爭。及其剝而將復也。小人又來承順君子。故曰君子得輿。小人情狀可羞如此。若小人當初極力剝君子。以爲害君子。不知適足自害耳。故曰剝廬。

地雷復



震下  
坤上

問剛反剛長如何曰。一陽繞自剝來。爲剛反。此是自然運行。反來。纔會長。長柰何。養之勿折。命也。有性焉。君子不謂命也。

問動而以順行云何曰。天地氣機。不動不復。陽繞動。

前面便有許多阻碍。一陽承五陰。陽何等微。陰何等盛。若不順行。則疾之者衆矣。尙何朋來之有。問復其見天地之心曰。復其見天地之心乎。復其見人之心乎。天地生物爲心者也。人以天地之心爲心者也。冬之藏。一歲之復也。夜之半。一日之復也。喜怒哀樂之未發。須臾之復也。

問六爻復義如何曰。以初爻爲主。諸爻以得陽吉。不得陽凶。幾個復字。俱是有力量的。俱根動而以順行來。動而順行。此其所以復也。不遠復者。謂不遠。



以爲復也。復善貴早。不極其往而復之。故曰不遠也。若失之遠而復。必至有悔。不遠而卽復。可以不至于悔而大善也。炤下修身說。則復有克治省察之功。非謂離了剥。便復也。休者。善也。仁爲元善之謂也。休復者。仁以爲復也。初九克復之仁人。而二近之。柔順則不執私。中正則能從善。下仁者。謂下之而不敢先。下之而不敢後也。不敢先。則躁矜之氣消矣。不敢後。則切磋之益進矣。而仁在其中矣。故曰休復也。非端以美訓休也。頻復者。謂頻而失。

又頻而復也。謂失之時少。復之時多也。六三以陰居陽。陰柔則不能固守。陽剛又能健進。于其頻失也。則危之。復善而失。危之道也。于其頻復也。則許之。若曰。人患不能補過耳。于義復何咎哉。六四處上下四陰之間。易于偏倚。一不中行。則比于其類矣。中行。所以獨復也。獨復者。謂不從其類。而獨下應于初也。夫初有道之仁人也。見道而不見衆。能從有道仁人。自復于善。是乃所謂獨復。是乃所謂中行也。敦復者。敦固以復也。六五體柔居剛。无應。

失位。其復善也。居剛。則有躁妄之虞。失位。則无應與之助。復之不敦。所以有悔也。敦固以復者。謂下順陽剛。信之篤。守之堅也。六如是。則動不失中順之德矣。自考云者。謂以中自考也。不考。則其中未可知也。能自考者。則動不失中順之德。故敦復。故无悔也。此主侯果說。程朱俱解考爲成。成不如省之用力也。迷復者。迷而不知復也。謂位高而无下仁之美。剛遠而无遷善之機。厚極而有難開之蔽。柔終而无改過之勇。是以昏迷而不知復也。卦以

氣數言。爻以人事言。

天雷无妄 ䷘

震下乾上

問不利有攸往與无妄之往何之矣云何曰卦傳云  
既已无妄不宜有往。往則妄也。因彖有无妄之往。  
故于往字下添一轉語也。若本義云其有不正則  
不利有所往。欲往何哉。似非无妄之往。當云不正  
之往何之矣。彖傳云所謂匪正。蓋由有往。若无妄  
而不往何由有匪正乎。更有往將何之矣。此單指  
上九一爻言也。爻詞另取義。直云无妄則往吉矣。

與卦彖詞不同。

問天下雷行物與无妄先王以茂對時育萬物曰。天下雷行。是滿天下。皆被雷振發起來。如夢斯覺。如醉斯醒。從前昏迷不解的。憬然有觸。邪僻不軌的。豁焉頓消。物物與以各正。无有差妄也。雷發有時。天之生物。不能違時。聖人贊化。亦不能違時。茂盛也。茂對時。謂善順乎天時也。對時以育物。謂時而當生。勿挫失了他。時而當成。勿戕害了他。兼人物說。總是全他无妄之理。

問初九无妄往吉曰。只初九以陽剛。變柔而居內。便是寂初一念。便無夾雜。便往而无滯碍。或曰。初與四。无應者也。无應奚往。蓋兩剛相遇。不牽係應之私。是之謂无妄。此初所以吉。四所以无咎也。觀二三有應。反不免災疾。則知无應者之爲愈矣。問六二不耕獲。不菑畲。則利有攸往。曰。此只是假象。不必太泥。一歲之農。始于耕。終于獲。三歲之農。始于菑。終于畲。夫耕獲菑畲者。皆有所爲而爲之也。不耕獲菑畲者。皆无所爲而爲之也。二柔順中正。

居動而能不與俱動。因時順理。自始至終。无一毫計功謀利之事。故取象如此。所謂无妄也。惟不妄往。則往而利矣。故曰利有攸往也。

問无妄之災。妄動有得。便有失。行人邑人。非以爲彼已如何。曰。固是。但象曰。行人得邑人災。看來是以下句解上句。是邑人罹无妄之災也。若牛是邑人得了。災自我致矣。何云无妄。

問无妄之疾。是不期而有否。曰。固是。若以无妄之義言之。九五是陽剛充實之人。精神完足。腠理強固。

而又順時調燮。不過不隨。何等中正。豈復有疾。如其有之。是亦風寒暑濕之所爲。非腹心之瘡瘵也。勿藥自愈而有喜矣。若遽以藥石攻治之。反益其疾耳。此義較穩。

問內震外乾无妄分動靜否曰。六爻皆无妄也。下三爻震體。初往吉。二利往。三行人得。當動而動也。上三爻乾體。四可貞。五勿藥。戒動也。上行有眚。動將何之。故當動而不動。與不當動而動。皆妄也。

山天大畜



乾下  
艮上



問大畜剛健篤實光輝日新其德曰。乾體剛健。艮體篤實。輝光兼二體言。謂所畜既大。則有諸中。必形諸外也。然蘊畜无窮。又當日新其德。今日進一日而莫之已也。

問剛上而尚賢能止健。大正也。曰。六五以君位而能尊尚一剛于已之上。是謂尚賢。尚賢者。尚其剛也。夫無陰爻。則以同類而不相畜。无陽爻。又以坤順而不能畜。然則畜乾之陽者。六四六五也。而助六五畜陽者。上九也。能止健。以艮之止。止乾之健也。

謂以剛畜剛也。夫以剛畜剛。乃大者之正也。而非二柔小者之爲矣。尊陽也。此釋利貞之義。

問尚賢養賢如何。曰。以一陽在上。故曰尚賢。二應五在下。故曰養賢。不家食。言六五不可令九二家食。利涉大川。謂六五下應乾之中爻。蓋涉險非乾健之力不能。應乾而行。故利涉也。通指六五說。


問四五蓄義如何。曰。四五皆柔也。四陰何以蓄初陽。以陽微不進。猶可以制。故爲童牛之牯。進則傷矣。不如止之利也。勉初也。二陽已駸駸進矣。是不可

磯以剛也。五卽以柔柔之。積豕之牙。所謂得其要而治之。而二已能自止而不行矣。嘉二也。

問上三爻爲畜者也。下三爻受畜者也。獨九三不受畜。如何。曰。凡陽遇陰。則爲陰所畜。故初二爲四五畜。三上皆陽。以同類不相畜。但以志合。故相引進耳。又居内外卦之極。畜極而通。不取止義也。良馬逐者。逐何天之衢也。恐其銳于進。又戒以利艱貞。必艱難貞固而後利也。艱貞云何。日閑習與衛之事。則可謂艱貞矣。取象與者。乘內之二陽。欲其同。

已以進也。衛者防外之二陰。恐其阻已以進也。夫三處乾之終而思變。可以進矣。而猶曰閑與衛。如此其艱難貞固。夫是以有攸往而利也。夫非良馬逐。無以見天衢之亨也。非天衢亨。良馬將安逐乎。此三上所以志同。畜極而通也。

山雷頤



震下  
艮上

問頤貞吉。觀頤自求口實。曰頤貞吉。統論一卦。頤之道。以正則吉也。觀頤自求口實。乃是觀頤之道。觀頤二字。虛指的寬。凡天地養物。聖人養賢。以至養

生。養形。養德。養人。皆在其中。自求口實。觀頤。吃緊處。卦取頤養。原取口食物以自養。飲食人之大欲存焉。寂易不正。識得道理真。自无口腹之累。而有養正之功矣。象言所養自養。原極分明。

問初九舍已求四。何以凶。曰。因四應已。故求。求便動于欲。便凶。若曰試看爾求的四。何等陰柔。連他也不能自養。如何還養得爾。觀我朵頤。四的朵頤。方且下而求養于爾矣。如何還去求他。蓋陽實陰虛。實者宜養人。虛者求人之養。故初凶。四吉也。

問顛顛丘顛是兩有所從一无所應否曰據象詞單  
解征凶若曰顛顛則拂經不過不得其養已耳若  
妄求乎上既非正應又極卑汚往則得凶矣語意  
是如此。

問六三拂顛貞凶曰下資上以養者也上爲二正應。  
求順于上順也。而獨拂之謂不中不正。隨下體以  
動。違從上之義也。如是雖正亦凶。況不正乎。雖正  
亦凶者。謂雖日用所必需亦爲饑渴之害矣。故凶。  
炤五居貞說。則此貞字當另解。但此貞訓正。五貞

訓固也。

問二四皆顛頤而吉凶異何也。曰二四柔順得正。只陰虛不能自養。必資養上下兩陽。二與初近。又同居震體。只要求之專。專未有不得者。今既比初之陽矣。又欲上求上之陽。是兩用其心。故征凶也。四則下應初陽。上非其應也。虎視眈眈。下視初陽而專。不以上之陽間之也。惟其求之專。是以得之數也。若求而不應。何以逐逐其欲乎。其欲逐逐者。謂其得頻頻也。求之既專。又逐逐求之。不厭其數。則

資養于下。以養人。養道不窮。无咎而吉矣。


同二五皆言拂經云何曰。二五相應。經也。今則二拂五。而求養于初。五拂二而求養于上矣。

問五上俱涉大川。一不可一利何也。曰。五君位。其才柔弱。已不足以養天下。而求賢代理。安常處順。還粉飾得去。一遇大艱大難。非剛明不世出之主。濟得甚事。故不可涉也。上以剛陽之德。處人臣之極。得君端而受任重。憂勤兢畏。常懷危厲。所謂生死以之。遑恤其他。故利涉也。則以五柔而上剛故也。



問內三爻震體。震是動的。動而從人求養者。皆凶。外  
三爻艮體。艮是靜的。靜而受人之養者。皆吉。如何。  
曰。是。

澤風大過



兌上 巽下

問大過。旣曰棟撓。又曰利有攸往。何也。曰。棟何以  
撓。本末弱也。棟撓矣。又何以利攸往。剛雖過而二  
五得中。下巽而上說。以此行之。利有攸往也。攸往  
亨。惟如是。乃亨也。棟撓本末弱。大過也。是必往而  
求濟。大過之時。非有大過人之材。不能濟。剛過而

中與而說行。此正大過人之材。所以救過也。

問初六藉用白茅无咎。曰。藉者。藉剛也。謂初也。初居最下。上以藉四陽也。剛而以剛藉之。兩剛相遇。必至缺折。故柔以藉之也。白茅。柔物也。謂六也。夫物錯諸地而可矣。而必有以藉之。可謂畏慎者也。而必用白茅。則畏慎之至矣。夫以柔藉剛。自有以抑剛躁之氣。而在我亦得與柔處下之道矣。何咎。與爲白帶言。只重柔上。

問九二當大過之初。如何便象枯楊。曰。楊陽氣易盛。

之物。陽纔過。便枯了。不必至萬物剝落而后枯也。  
問九三棟撓。凶。是重剛不中。不勝其任。是初上柔弱。  
不能助他兼三義否。曰。初上二陰。不能勝三四之  
任。是成卦之義。三棟撓。四棟隆。則主應上說。蓋三  
四皆陽。不宜三撓而四隆也。三只是剛而又剛。太  
剛必折。但得上六以柔助之。可不至大壞。自是過  
剛強了。不可以有輔。是輔他不得也。若九四。則以  
剛居柔。自不過剛。畢竟再加柔。不得不撓于下。謂  
不因下之弱。而至于撓也。旣剛柔得宜。而復志應。

下陰是有宅也。反害其剛矣。故吝。

問上六過涉滅頂凶无咎。曰。上處過極。而六又陰柔。躡四陽之上。乘剛者也。又九五居尊。陽不得陰助。成生育之功。時勢至此。天下事尚可爲乎。明知太川不可涉。而往涉之。至過涉而滅其頂焉。不能濟事。固凶。然成仁取義。于理何咎。只是陰柔无克濟之才。非茫昧履險。亦非激烈濟難也。

問易例上下剛柔相應。大過不如此何也。曰。頤中孚。小過皆然。大抵上下畫相停者。從中分。反對爲象。

耳。

坎爲水

☵ 坎上

問習坎有孚。維心亨。行有尚。曰。二陽陷四陰之中。四陰。坎也。二陽。坎中之水也。君子體水之德。爲有孚。維心亨。所以處險也。中實爲有孚。有孚。故維其心。亨。人之處險。身可陷。而心不可陷。至誠感神。卽在艱難險阻中。畢竟要出來的。行有尚。謂斷然行之。有可嘉尚也。不行。則止于儉矣。豈得有功乎。問水流而不盈。行險而不失其信。曰。水流而盈。是將

這個坎滿了。流而不盈。是逝者如斯。不舍晝夜。滿不得這個坎。于其流。見行險。于其不盈。見不失信。這是解有孚。謂決定如此也。非一坎滿。又流出去。蓋盈則滿。滿則平。平則是平地。而非坎矣。五尙在坎中。是坎不盈也。目下猶未平也。他有德有位。將來必有濟。而險者以平。故曰祗既平也。盈字。炤平字。當如此說。

問來之坎。坎險。且枕入于坎窞。如何。曰。三居重坎之衝。是來亦坎。之亦坎。險。下險也。且枕。又將入上險。

入于險窞。指六四說。玩且字義。是說險了又險也。○一說。來而下。坎也。往而上。坎也。來之坎坎。何等險乎。處多難之際。只得耐心支倚着。畢竟支倚不來。唯益入于深險耳。若前說。則來之坎坎。險且枕。義爲複矣。

問樽酒簋句。貳用缶句。是否。曰。據象詞。樽酒簋貳爲句。當依舊讀。如云一樽酒。以簋貳之。簋所以副酒也。卽云酒一樽。二簋食亦可。缶。瓦器。在他處訓誠實。此處因樽酒簋而言。則是器也。樽酒簋貳。言其

簡也。用缶。言其質也。簡而且質。則不事浮文。而誠實在其中矣。納約自牖。因其明而用之。言之便。而聽之易。非是不納戶而自牖也。蓋用其明。卽有許多旁引曲喻。不可直致之意在其中矣。

離爲火



離上  
離下

問離蓄乳牛何也。曰。明而又明。離火太炎上了。太炎則焚。故宜畜。險而又險。坎水過潤下了。過潤則陷。故宜止。

問履錯然敬无咎云何。曰。若是初九。已躁動了。雖敬



何益。還是居離之初。所履之是非邪正。紛錯未知。適從。一不敬。則妄而獲咎矣。故辟咎須是敬。

問九三日。晷之離不鼓缶而歌。則大耋之嗟。凶曰。三居下離之上。前明將盡。日晷之離矣。須是尋個繼明的路頭。自取逸樂。若不能擊其缶而爲歌。則至大耋。老耄而嗟。何可久長。所以凶也。謂不能繼明而起。明所以終于盡也。聖人教人。當于未晷時。幹旋。旣晷時補救。非委諸氣數之意。

問六爻是四陽附二陰。是二陰附四陽。曰。還是陰附

陽二五皆麗者也。而五不如二者。得位不得位故也。其四陽爻。則以處陰內而爲陰麗者。凶。三四處四爻之中。三近二。前明將盡。其患則麗之而不肯去。貪位慕祿。終日戚戚。恐事權之不在我。逝者其臺。樂者其誰乎。四近五。爲後明將繼。其患在麗之而不肯緩。挾上攬勢。而无一毫巽順寅畏之意。其禍不至身死家亡。衆畔親離而不止。若初上二陽。初明在下。上剛在外。故能辟咎而正邦也。

易問卷上

終